



जे इसा काहणिया दा अन्त हुंदा तां कितणी दुखे दी गल्ल हुंदा। अपर परमात्मे कुच्छ अनोखा किता। यीशु मरेयां ते दोबारा जिन्दा होईं गेआ।

19




हफते दे पैहल्ले दिन भ्यागा यीशु दे कुच्छ चलेयां कब्रा ते पत्थरे जो खिसकेया दिख्या। जाहलू तिन्हां कब्रा अन्दर दिख्या, तां यीशु तित्थु नी था।

20



इक्क जणास कब्रा पर रोंदी रेई। यीशु तिसा जो दुस्सेया कने सैह बाकि चलेयां जो दस्सणे तांई खुस होईं नैं दौडी करी वापस गेई, कि यीशु जिन्दा होईं गेआ। यीशु मरेयां तें दोबारा जिन्दा होईं गेआ।

21



यीशु तौली अपने चलेयां अल्ल आएका कने तिन्हां जो मेखां दे छेदां आल्ले अपने हत्थ दस्से। एह सच्च था कि यीशु दोबारा ते जिन्दा होईं गेआ था। तिन्हीं पतरसे जो तिसियो नी पणछेणने तांई माफ करी दिता, कने अपने चलेयां नैं गलाया कि सैह सारे लोकां जो मेरे बारे च दस्सन। भिरी यीशु वापस सुअर्गे जो चली गेआ जित्थु ते सैह आएका था।

22



पैहल्ला ईस्टर

पैहल्ला ईस्टर
परमात्मे दा वचन, बाइबला दी इक्की काहणिया
च पाएया जांदा ऐ
मत्ती ०००००, लूका ०००००,
यूहन्ना ०००००

“तेरे वचनां दी समझ मिन्जो जोती दिंदी ऐ।”
भजन 119:130

23

Kangri

Edward Hughes: दे जरयि लखियो ऐ।
Janie Forest: दे जरयि बणाईं गेई।
Alastair Paterson

Subramani N.: दे जरयि अनुवाद कतिता।
Lyn Doerksen: दे जरयि अनुकुलति।

काहणी 54 ते 60

M1914.org

Bible for Children, PO Box 3, Winnipeg MB R3C 2G1 Canada


लाईसेंस: जाहलू तकिर तुहां इसा जो नी बेचदे हन, ताहलू तकिर तुहां जो इसा काहणिया जो कोपी या परटि करणे दी इज्जाजत ऐ।

परमात्मा जाणदा ऐ कि अहां बुरे कम्म कितेयो हन, जिसियो सैह पाप गलांदा ऐ। पाप दी सजा मौत ऐ।

परमात्मा अहां नैं इतणा प्यार करदा ऐ कि तिन्हीं अपने पुत्र, यीशु जो सुनिया पर मरणे कने अहां दे पापां दिया सजा दी कीमत चुकाणे तांई घल्लेया, यीशु दोबारा जिन्दा होएया कने वापस सुअर्गे जो चली गेआ। हुण परमात्मा अहां दे पापां जो माफ करदा ऐ।

जे तुहां अपने पापां ते पश्चाताप करणा चांहदे हन, तां परमात्मे नैं एह गला, मेरे प्यारे परमात्मा जिन्जो बसुआस ऐ कि यीशु मेरे पापां तांई मरेया कने दोबारा भिरी जिन्दा होईं गेआ ऐ। करिपा करी नैं तुहां मेरिया जिन्दगिया च ओआ कने मेरे पापां जो माफ करा, तांजे मैं हुण नोईं जिन्दगी पाईं सकें, कने हर दिन मैं तुहां सोगीं रेंह। तुहां अपने हुक्मां जो मनणे तांई मेरी मदत करा कने मैं अपने जिन्दगी तुहां सोगीं जी सकें। अमीन। यूहन्ना ००००

हर रोज बाइबल पढा कने परमात्मे नैं गल्लां करा।



तिसदी माँ मरियम शोराशराबे आलिआ प्हाड़िया पर खडौंतियो थी, तिसा दिया उदास अंखी इक्क खतरनाक घटना जो दिक्खा दियां थियां। तिसादा पुत्र मरा दा था। कने सैह तिसा जगाह अल्ल खडौंतियो थी जित्थु यीशु जो सुनिया पर टुंगेया था।



एह सब कुच्छ किआं होएया? यीशु सुन्दर जिन्दगिया जो इतणे खतरनाक तरीके नैं किआं खत्म करी सकदा ऐ? परमात्मे अपने पुत्रे जो तित्थु मरणे तांई सुनिया पर मेखां ठोकणे दी इजाजत किआं देई सकदा था? क्या यीशुयें गलती कितियो कि सैह कुण था? क्या परमात्मा नाकामयाब रेंहआ।

1

2

नीं! बिल्कुल नीं! परमात्मा नाकामयाब नीं होएया। यीशुयें कोई गलती नीं कितियो थी। यीशु हमेसा ते जाणदा था कि बुरे लोक तिसियो मारी दिंगे। ऐत्थु तिकर कि जाहलू यीशु इक्क बच्चा था, ताहलू शिमोन नांए दे इक्की जबरें माणुयें मरियमा नैं गलाया था कि दुख ओणे हन।



3

यीशु दे मारे जाणे दे कुच्छ दिन पैहल्लें, इक्की जणासा आई नैं तिसद पैरां खुसबुदार इतर मलेया था। एह दिक्खी करी चेलैयां गलाया था, कि "एह इसियो बेकार च बरबाद करा दी ऐ कजोकि इसदी बोहत जादा कीमत ऐ। यीशुयें गलाया, "इन्नैं तां एह भला कम्म मेरे दफनाणे ताई कित्या था।" क्या अजीब गल्ल ऐ।



4

इसते बाद, यहूदा इस्करियोति, यीशु दे वाराह चेलैयां च इक्क था, जेहड़ा 30 चाँदी दे सिक्केयां ताई यीशु जो धोखे नैं पकडुआणे ताई प्रधान याजकां नैं मिल्ली गेआ था।




5

यहूदी फसह ते त्योहारे दे दिन, यीशुयें अपने चेलैयां सौगी अपना आखरी खाणा खादा। तिन्हीं तिन्हां जो परमात्मे दे बारे च कने तिन्हां लोकां नैं तिसदे वादेयां दे बारे च अनोखियां गल्लां दस्सियां जेहडे लोक तिस नैं प्यार करदे हन। ताहलू यीशुयें तिन्हां जो बंडणे ताई रोटी कने कटोरे च अंगुरा दा रस दिता। एह तिन्हां जो याद दिलाणे ताई था कि यीशु दा सरीर कने खून लोकां दी पापां दी माफी ताई दिता गेआ था।



6

ताहलू यीशुयें अपने चेलैयां नैं गलाया, कि "में पकडुआया जांगा, कने तुहां सारे मिन्जो छड्डी करी नठी जांगे। एह सुणी करी पतरसे गलाया, "सारे तिज्जो छड्डी करी नठी जांगे अपर में तिज्जो छड्डी करी नीं नठगा। इसा गल्ला जो सुणी करी यीशुयें गलाया, "कुक्कडे दे बांग देणे ते पैहल्लें, तू मिन्जो पणछेणने ते त्रै बरी मुकरगा।"



7

तिसा राती यीशु गतसमनी बगीचे च प्रार्थना करणा गेआ। जेहडे चले तिस सौगी थे सैह सोई गियो थे। यीशुयें इस तरिके नैं प्रार्थना कित्ती, "हे मेरे पिता परमात्मा, इस दुखे दे बगते जो मिन्जो ते दूर करी देआ। भिरी भी, मेरी नीं तेरी इच्छा पूरी होयें।"



8

ताहलू तिसी बगते लोकां दी भीड यहूदा इस्करियोति सौगी तिस बगीचे च आई गई। यीशुयें तिन्हां दा विरोध कित्ता, अपर पतरसे इक्की माणुये दा कन्ने अपणिया तलवारा नैं बड्डी दिता। अपर यीशुयें तिस माणुये दा कन्ने छुता कने तिसियो खरा करी दिता। यीशु जाणदा था कि मिन्जो इन्हां दे हुआलें करणा, परमात्मे दी इच्छा ऐ।



9

भीड़ा दे लोक यीशु जो महायाजके दे घरे जो लेई गे। तित्थु यहूदी नेतेयां गलाया कि यीशु जो मरणा चाइदा। तित्थु पतरसे तिन्हां नौकरां सौगी अगगी अल्ल खड्डी करी दिखदा रहेआ। त्रै बरी लोकां पतरसे पास्सें दिख्या कने गलाया, "तूमी यीशु सौगी था।" त्रै बरी पतरसे मुकरी गेआ, जिआ यीशुयें गलाया था कि तू त्रै बरी मिन्जो पणछेणने ते मुकरगा। पतरसे कसम खादी।



10

कुक्कड-कुक्कड-वड्डें

तिसते बाद इक्की कुक्कडे बांग दिती। एह पतरसे ताई परमात्मे दिया वाणिया साइआं था। यीशु दिया गलाईया गल्ला जो याद करी नैं पतरसे जोरेजोरे नैं रोएया।



11

यहूदा इस्करियोति जो भी दुख होएया। सैह जाणदा था कि यीशु कुसी पाप या गुनाह दा दोसी नीं था। यहूदें 30 चाँदिये दे सिक्के वापस करी दिते, अपर याजकां तिन्हां वापस नीं लेआ।



12

यहूदें चाँदिये दे सिक्केयां जो सट्टी दिता कने बाहर जाई नैं फांसी लगाई लेई।




13

याजकां यीशु जो रोमी राज्यपाल पिलातुसे दे सामणे पेस कित्ता। पिलातुसे गलाया, "में इस माणुये च कोई दोस नीं पांदा ऐ।" अपर भीड़ा दे लोकां जोरेजोरे नैं गलाया, "यीशु जो सलिया पर टुंगा! यीशु जो सलिया पर टुंगा।"




14

आखरी च पिलातुसे हार मनी लेई कने यीशु जो सलिया पर मौती दी सजा दिती। सपाइयां यीशु जो घसल मारे, कने तिसदे मुँए पर थूकेया कने तिसियो कोडे लगाये। तिन्हां लम्मे कंडेया दा इक्क मुकट बणाया कने तिसदे सिरें पर रखी दिता। भिरी तिन्हां तिसियो मरणे ताई लकडिया दिया सलिया पर मेखां नैं ठोकी दिता।



15

यीशु हमेसा जाणदा था कि में किस तरिके नैं मरगा। यीशु एह भी जाणदा था कि मेरी मौत तिन्हां पापी लोकां ताई माफी दिंगी जेहडे तिस बसुआस करदे हन। यीशु दे सज्जे कने खड्के पास्सें दूँ डाकुआं जो भी सलिया पर टुंगेया था। इक्की डाकुयें यीशु पर बसुआस कित्ता कने सुअगे चली गेआ। अपर दूयें बसुआस नीं कित्ता।



16

इतणा भरी दुख झेलणे ते बाद यीशुयें गलाया, "पूरा होएया।" कने मरी गेआ। तिसदा कम्म पूरा कित्ता गेआ था। तिसदे दोस्तां तिसदी लाश इक्क खास कबा च रखी दिती।



17

ताहलू रोमी सपाइयां, जिआ कबा च यीशु दी लाश रखियो थी तिसा कबा जो सील्ल करी नैं तिसा दी रखवाली कित्ती। हुण कोई अन्दर या बाहर नीं जाई सकदा था।



18